

Le bouneu l'è ou kurti

Lè gajètè n'in d'an dèvejâ, prà dè dzin li chon jelâ è n'in chon rèvinyé intrètsantâ. Ouê, le bouneu l'è din le kurti a Èthèvenin. Fô le vère po le krêre. L'è on piti paradi... l'i a mimamin di j'andzè! Vo dyo rin dèpye, alâdè vouityi mimo, l'è pâ tan yin, chu lè kouthè dou Dzubyà.

Konprinnyo pâ ke l'i ôchè tan dè dzin ke tènnon kurtiyi. I dyon ke chin rapouârtè rin, ke l'è tru pènâbyo è choche è chin.

Ma li a rin d'ache bi tyè dè vouityi krèthre on rèvire-chèlà, dè chènâ di pê, dè piantâ di chalârdè, dè vère hyori lè fanfiyoulè, dè medji di pre-dè-têra to frè, dè ramachâ di frèyè, di j'anpè, di grejalè.

Bin chure ke fô bètyi, rathalâ, dèjêrbâ, krouvâ, dèkrouvâ, fêmâ, lujatâ, tôpèyi, fére la tsathe i pyà, i pudzè, tyâ lè lemachè è lè kouéthron.

Pu l'i a achebin lè chpatse ke van gratâ, kroji, pekotâ. Kontre lè chpatse, mè, l'é trovâ na ruja: i vé ti lè dzoua din mon kurti, l'i châbro na bouna vouêrba, dinche n'é rin fôta d'inpontyà.

Anne Marie Yerly